

Oqaasiliortut marsip ulluisa 13-ianni 2002, nal. 10.00

Oqaasileriffimmi ataatsimiinnerannit imaqarniliaq.

Peqataasut: Carl. Chr. Olsen, Stephen Heilmann, Ella Skifte, Nuka Møller.

Kelly Berthelsen pikkorissaqataagami peqataannngilaq.

Allatsigalugu Pia N. Knudsen

Oqaluuserisassat:

1. Oqaluuserisassanik akuersineq.
2. Kingullermik ataatsimiinnermit imaqarniliamik akuersineq.
3. Ilisimatitsissutit.
 - a. NUAS-ilinniagaqarnerni taaguusersuutit
 - b. Peqqissaanermi atorfiit taaguutaat
4. Valfartsturisme- pilgrimsfærd
5. Atortorissaarutilerisoq
6. Suliassatut tiguneqarsinnaasoq:
Biibilimi taaguutit - qanganitsat nutaallu?
7. Taasariaqartut allat.


-1 pillugu-

Oqaluuserisassat taama itsillugit akuerineqarput.

-2 pillugu-

Imaqarniliaq akuerineqarpoq.

-3 pillugu-



CCO: Pia N.Knudsen Oqaasileriffimmi allaffimmi fuldmægtigit sulilersoq CCO-p ilisaritippaa.

Inuit Aqqinik Akuersisartut siunissami Oqaasileriffimmit allaffeqarnikkut sulinneqarnissaat pisortatigit periarfissaqarpoq.


Inuit aqqi nammineq sumiorpalussuseq malillugu taaneqartarsinnaanerarpai, taamaattorli allattaatsit atorneqartut malillugit allanneqartussaasut innersuusutigalugu.

Akilinermiut allallu aternik akuersinermi naalagaaffiup killeqarfiata avataaniim-mata aternik taagueraasiallu allattariaasiat allanngortinneqarsinnaanngillat.

Nordisk Ministerrådip suleqatigiissitaata Sprogpolitisk referencegruppep ataatsi-miinnerani CCO peqataasimanermini eqqartorneqarsimasut pingaernerit eqqaa-vai. Oqaluuserineqartunut ilaanerarpaa oqaatsit atuuffiisa allanngoriartorneri, atuarfinni teknikkimut tunngassutilinni ilinniartut tuluttuinnaq oqalulersarneri.

- a. CCO: NUAS (Nordisk Universitets Administratorers Samarbejde): Tassaavoq Ministerrådip ataani peqatigiiffik. Ilinniagaqarnermi taaguusersuutinik maanna suliaqartitsivoq Avannaamioqatigiit oqaasiini tamani. Maanngaanniit studentermedhjælperip Lisathe Møllerip ilinniagaqarnermi Finlandimi suliarai taaguusersuutit, apriilillu 16-iata missaani naammassi-nissaa naatsorsuutigineqarpoq.
- b. Kingullermik ataatsimiinnermi **Peqqissaaveqarfimmu**t tunngasut akueri-neqarput. **Peqqissaaveqarfinni Atorfiit** CCO-p Ella Skiftip, aamma Majbritt Ander-senip siunnersuusiorfigissagaat apriilimilu siunnersuutit ES-p saqqum-miutissagai siunniunneqarpoq.

-4 pillugu-



Valfartsturisme aammalu pilgrimsfærd Biskop Sofie Petersenimit kalaallisuun-
ngorlugu qanoq taaneqarsinnaanersoq apeqqutigineqarmat Oqaasiliortut isum-
maminnik annissuipput.

CCO-p oqaatigaa Takujartuineq.

(NM: Oqaaseq *Takujartuineq* upperisarsiorpalaartutut oqaatigineqarsinnaavoq.)

(ES: Nukap isumaqatigaa, oqaatsip nipaata upperpalaarnera nassuerutigaa.)

SH: Upperisaq pillugu nammineq immitsinnuunnaq qinnuttarpugut. Oqaaseq
Takujartuivoq qanganisarpalaartuugami upperpalaarnerusutut taaneqarsin-
naavoq. Oqaaseq *Takusaavoq* qaanginnarsiorpaluttutut nipeqarpoq taamaam-
mallu *Takujartuineq* itinerorpalaarami atussallugu tulluunneruvoq.

Oqaaseq *Takujartuineq* nammineq oqaatsinik allanik ilallugu atorineqarsinnaal-
luarami atussallugu tulluuttuvoq.


Takujartuineq atussasoq Oqaasiliortut aalajangerpaat.

-5 pillugu-

CCO: "*teknikerip*" ulluinnarni atortorissaarutilerisumik taaneqartanera eqqarsar-
nartoqartippaa, oqaaseq *atortorissaarut* aamma allamut tunngatillugu atorine-
qartarmat.

SH: Ulluinnarni *tekniker* atortarpaa, allamiullumi namminneq oqaatsiminnut
nutserlugu atoraat tusarnikuunngilaa.

CCO: Allamiut oqaasiisa misissuiffigineqarnissaat siunnersuutigaa. Oqaatsit sor-
liit kalaallisuumut nutserneqassanersut sorliillu nutserneqassannginersut.



SH: Allamiut oqaasii nutserneqarsinnaasut nutsissapput nutserneqarsinnaanngitsulli nutserneqassanngillat.

CCO: Allamiut oqaasii nalunaarsortariaqarput, marloqiusamillu taaguuteqartussat aamma nalunaarsorneqarlutik.

-6 pillugu-

CCO: Teologip Hollandimiup Paula Bekooyip oqaatsit upperisamut tunngasut kalaallisuunngorlugit nutserneqartarneri, taakkualu allanngoriartorneri soqutigalugit saaffiginnippoq.


SH: Nittartagaq aqutugalugu inuit oqalliffissaannik kiisalu apersuiffigisinnaasaannik pilersitsisoqarsinnaangaluarpoq, tamannalu aqutugalugu oqaatsit allanngoriartorneri malinnaaffigineqarluarsinnaallutik.

ES: Ukiut sisamat ingerlanerini siunniussaqaqtariaqarneq eqqaavaa. Oqaasiliortunit suut siulliullugit pimorullugillu misissuiffigineqassanersut, qanoq aalluneqassanersut kiisalu peqqissaarussamik suliarineqarnissaat kissaatiginartippaa.

Oqaluuserisassat aqqissuussassallu amerlaqimmata tullerriaaraluni misissuinnissaq kissaatigaa.

NM: Biibilip nutaap qallunaarpaluppallaartumik nutserneqarsimanagera ugguraa. Oqaatsit taaguutilluunniit ataasiakkaat kalaallit oqariartaasii malinnagit nutserineqarsimammata qaaginnarsiupajaartutut isigalugu.

CCO: Biibili nutaaq sananeqarsimavoq kikkunnit tamanit paasiuminartunngorlugu. Aallaqqaammut ippinnalaarnerarpaa ilikkagassaasorli aamma oqaatigaa.



ES: Palasit biibilimut nutaamut atuilernertik ippigusuutigissagaat qularutiginngilaa. Oqaatsit atortuarsimasatik aallaqqaammut pinngitsooratik uteqqiafigissagaat qularutiginngilaa.

-7 pillugu-

SH: Pappiarat nutsikkat Radioavisermiut namminneq kalaallisuunngorlugit nuttersimasaat Oqaasiliortunut isummersuutissanngorlugit imaqarniliamut ilanngullugit nassiunneqassapput.


Tulliani ataatsimiinnermi oqaluuserisassatut innersuussutigaa.

NM: Nunat aqqi Canadaminnganneersut ICC-mi pigineqartut eqqaavaa. Aqqit ilai allatut allanneqarsimammata allatulluunniit taaneqarsimasinnaammata missorluaqqissaariarlugit aatsaat saqqummiussassatut agguaanneqartussatullu innersuussutigai.

ES: Nutserisut Oqaasiliortut oqaatsinik imaluunniit nutsikkanik aalajangiisarnerinut akerliusarneri eqqaavai. Nutserisoqarfimmi oqaatsit "pioreersut" Oqaasiliortunit "allanngortinneqartarneri" naammagittaalliutigineqarsimavoq. Oqaatsit nutserisunit ulluinnarni atuuttuulereersut Oqaasiliortunit allanngortinneqartarneri akerliussutigaa.

CCO: Oqaatsinut autoritetsnævneqannginnerarpaa Oqaasiliortulli akuersisarnerarlugit. Nutserisut oqaatsinik nalornisaminnik peqarunik Oqaasiliortunut aperisassasut oqaatigaa.

Marsip 27-anni Nutserisut ataatsimiissanerarpai Oqaasiliortullu peqataanissaat innersuussutigaa, taamaaliornikkut sulianik nassuiaassineq pineqarsinnaammat paaseqatigiissinnaanerlu qaninnerusoq Nutserisut Oqaasiliortullu akornanni pitsaanerulersinnaanerarpaa.



Ataatsimiinnissaq tulleq pissaaq apriliip 24-anni, nal. 10.00.

Carl Chr. Olsen
Siulittaasoq

Pia N. Knudsen
Allatsi